

太上靈寶元陽妙經卷之八

真八

德行品

爾時元陽上品德行高貴真人尹妙林及其門徒眷屬八種智慧第一弟子無鞅數眾俱會者圍樹下鷲木林間稽首恭敬遊行三市

長跪執簡諮問元始天尊自願運幸得遇聖尊輒敢啓問心所疑滯伏願靈顯以見訓喻天尊含笑善哉善哉要乎深矣隨子所問當為解釋妙林上啓未審凡夫衆生作逆害罪有道德邪如是之人云何復墮地獄若如是人有道德邪云何復言无有真常之樂若斷善根名一凡夫者斷善根時所有道德云何不斷道德若斷云何復言真常之樂如其不斷何故名一凡夫邪天尊曰犯四明科名為不定毀謗元陽經作十惡罪及一凡夫悉名不定如是之人若決定者復何因緣得成无上正真自然大道得九仙之果乃至明達真人亦名不定若九仙果至明達真人是決定者亦不應成无上正真自然之道天尊若犯四盟不決定者九仙之品乃至明達真人亦不決定如是不定諸天大

聖亦復如是若天尊不定元陽法性亦復如是至一切法亦復不定云何不定若一凡夫除一凡夫則成真道諸天大聖亦應如是入元陽品已亦應還不入元陽若如是者元陽之性則為不定以不定故當知无有真常之樂云何復言一凡夫等當入仙品爾時无相天尊告元陽上品德行高貴真人尹妙林言善哉善哉善哉善男子為欲利益无量凡夫一切衆生令獲歡喜憐愍慈念諸衆生故為欲增益發自然心諸真人道士故作如是之問善

男子汝已曾經親近元陽八種真人并於天尊法中作諸善業已得成就其道功德摧伏魔怨令得退散已教无量衆生皆悉得至元陽仙品通達大乘微妙經典已問過去恒河沙劫諸天大聖如是妙義我都不見一切世間若人若天初學弟子有能諮審天尊是義今當至心諦聽諦聽我當一一為汝子細分別解析善男子一凡夫者亦不決定若決定者是一凡夫終不果於自然之道以不決定是故如汝所說道性不斷云何一凡夫斷善

根者真人道士夫善根者有二種所謂內道性外道性非外非內以是義故道性不斷復有二種所謂有漏無漏道性非有漏非無漏是故不斷復有二種所謂常無常道性非常非無常是故不斷若是斷者則應還得若不

還得是名不斷若斷已得名一凡夫犯四盟者亦是不定若決定者犯四盟律終不能得无上正真自然大道誘毀元陽大乘經典及三景法師亦復不定若決定者誹正法人終不能得自然妙道作十惡罪亦復不定若決定者十惡之人終不能得正真之道色相二法俱為不定香味卑相生相無明相陰入界相一切諸相皆悉不定善男子猶如幻化之師在大衆中化作種種變異山林樹木城郭聚落而彼衆中有諸凡夫無有智慧觀見之時謂為真實其中賢人知其虛誑以幻力惑人眼目善男子一切凡夫乃至諸仙弟子明達真人等於一切法見有實法亦復如是諸仙真人於一切法不見實相善男子猶如小兒於夏夏月見熱時感謂之為水有慧之人

於此熟矣終不生於實水之想但是虛炎誰人眼目非實是水一切凡夫諸仙弟子見於諸法亦復如是謂言是實諸天真入於一切法不見實相善男子猶如山谷因聲有響凡夫聞之謂是實聲有慧之人解無定實但有聲相感於耳識善男子一切凡夫諸仙弟子於一切法亦復如是見有實相諸天真入明解諸法悉無實相見无常相空寂等法無生滅相以是因緣真人道士見一切法是无常法善男子亦有定相云何為定真常之樂在於何處所謂元陽法中善男子自然之果亦復不定不決定故經十萬劫得无上大道自然之心如是道果亦得不實不實實故經八萬劫得正真大道自然之心真人之果亦復不實不實實故經六萬劫得无上道心仙人之果亦復不實不實實故經四萬劫得无上道心明達真人亦復不實不實實故經二萬劫得無上道心善男子天壽今於甘露大城碧林樹下示現威德神通智慧令諸仙弟子凡夫眾生至心奉法委意投真讀誦元陽上

品大乘經典甚深奧藏微密之義得无上正真自然大道修行聖行永無退轉善男子凡夫不能善攝六根則有諸漏為惡所牽至不善處善男子猶如惡馬羸猛能令乘者至險惡處不能善攝六根惡業者亦復如是令人遠離元陽妙道至諸惡處猶如狂象未曾調伏有人乘之不隨意去遠於善色至險惡處不能善攝六根惡業者亦復如是將人遠離元陽善色至生死險惡曠野之處善男子猶如佞臣教王作惡六根佞臣亦復如是常教眾生造无量惡善男子猶如頑子不用父母師長教訓造諸惡事不調六根亦復如是不受父母師長善言教訓無惡不作善男子凡夫之人不攝六根常為地獄畜生餓鬼之所賊害亦如怨盜害及善人凡夫之人不攝六根馳騁六塵猶如牧牛不善收錄犯人苗稼凡夫之人不檢六根常在諸有多受苦惱善男子真人道士修元陽上品大乘聖行時常能善調檢錄六根恐怖貪欲瞋恚嫉妬憍慢為得一切諸法故善男子若能檢錄六根者

則能檢心若能檢心則檢六根譬如有人擁護於國王守衛國土衛護國者則守於王真人道士亦復如是若能聞是元陽上品大乘經典則得智慧得智慧已則能專檢六根善男子如善牧牛設牛放逸東西散他苗稼則能遮止不令犯物真人道士亦復如是念慧因緣故檢錄六根不令縱恣真人道士有念慧者不見我相不見眾生相及所受用見一切法同法性想生於山嶽草木瓦礫之相猶如屋宅從因緣生無有定性見諸凡夫一切眾生四大和合之所成立推無定性無定性故真人於中不生染著一切凡夫見有眾生故起煩惱真人道士修元陽經者有念慧故於眾生不生染著復次真人道士修元陽經者不染眾生相作種種法善男子猶如畫師以衆色雜畫若牛若馬若男若女凡夫無智見之便生男女之相畫師了知無有男女牛馬之相真人道士亦復如是於法異相觀於一相終不生於眾生之想何以故有念慧故真人道士修元陽上品大乘經者或時觀莫

麗女人終不生於愛著之心何以故善觀相
 故善男子真人道士知五欲相無有歡樂不
 得淹留如狗啣枯骨如人持火逆風而行如
 水上泡畫水之迹如織經畫如因詣市如假
 託勢不得久歡欲亦如是多諸過患復次真
 人道士觀諸凡夫一切眾生為色香味觸以
 是因緣從无量劫來常受苦惱一一眾生一
 劫之中所積身骨如妙樂山高所飲乳汁如
 四海水身所出血復多於是六親眷屬命終
 哭泣所出眼淚多四大海盡地草木為壽以
 數父母亦不可盡無數劫來或在三塗地獄
 幽牢之中所受諸苦不可稱數真人道士如
 是深觀一切眾生欲因緣故受苦无量真人
 以是生死行善不失念慧善男子猶如世間
 有諸大泉滿三十里間有王名曰莊嚴勅遣
 一臣名富林那持大油盆從泉而過莫令傾
 落一滴當新汝命復遣一臣名曰尹林常持
 刀在後監持油之臣受王命盡心堅持經歷
 衆生雖見美麗女人不敢觀視心常戰懼我
 若放逸著彼邪欲當棄所持命不全濟如是

之臣以此恐怖乃至不敢棄一滴油真人道
 士堅持禁戒亦復如是於生死中不失念慧
 以不失因雖見五欲心不變著若見淨色不
 生色相唯觀苦相乃至識相亦復如是不作
 生相不作滅相不作因相不作緣相觀一切
 法作和合相真人道士爾時六根清淨故持
 戒具足一切凡夫六根不淨不能檢持名曰
 根漏真人道士永斷諸漏是故無漏天尊拔
 出水除根業是得清淨爾時真人尹妙林既
 聞此事心生歡喜而作偈言
 凡夫及眾生 不知大乘趣 沉淪生死門
 往還煩惱步 念念作諸惡 心心起疑悟
 魔鬼方便侵 怨家與訟訴 受報往地獄
 幽牢相禁固 一切諸罪業 非善能譬喻
 當念元陽經 受持法戒具 愆咎可得消
 福德相羅注 解脫大乘門 清淨元為路
 天仙常汲引 地神恒衛護 一日及一日
 讀誦如是句 歷劫離憂患 終歲無淪盡
 在所險難地 當無有畏懼 誦受五通偈
 堅持於六度 今日說此頌 可為長樂賦

真人尹妙林說此偈訖復次善男子有諸離
 漏真人道士欲為无上甘露法界故離諸惡
 漏以何因緣名之為離若能行元陽上品大
 乘經典受持讀誦思惟其義是名為離何以
 故善男子我都不見三十六部專經能除惡
 漏如是大乘經典善男子猶如良師教諸弟
 子之中有受教者不造過患真人道士修元
 陽上品大乘經者亦復如是不造過患善男
 子猶如世間有於呪術若有毒蛇不能侵害
 一切凡夫讀誦此經乃至壽終無有過患善
 男子是大元陽妙經亦復如是若有眾生一
 經耳聞如此經者不墮惡趣若有書寫讚歎
 讀誦解說剖析微妙當得无上正真自然大
 道俱體法相如彼聖人得甘露法味善男子
 是大元陽威力修行讀誦得如是道果善男
 子若有清信弟子能至心書寫讀誦是經解
 說其義為他開演教化眾生當知是人真我
 弟子善知法教訓喻凡夫得知道法是我所
 見我之所慈是人真知我說元陽經典隨如
 是人所住之處若山林曠野城邑村落屋舍

官宅我亦在中常住不變吾於此人常作受施或作道士女冠善男子善女人當令是輩得知天專受其所施財寶善男子是人或眠卧之中夢見天專聖人形象或見諸真人之像轉輪聖王形像或見江山大海日月星宿或見金銀珍寶衣服卧具爾時當知即是天專受其所施驚寤之後得大喜樂尋得種種所須之物不造過患志願真善是大元陽志能成就如是无量功德不可思議善男子汝今應須受持法教微妙之語若有善男子修行善法恭敬於我同於法相受持至要破彼惡魔无常無樂無我無淨欲得天上人中道逸快樂者見有受持元陽經典書寫讀誦為人解釋如是經義當往親近恭敬禮拜讚歎尊重供給所須令無乏少此經玄妙不可譬喻當應盡心供養無有退轉不生疲歇當得自然道果善男子吾念過去无量恒沙之劫有一世界名曰清淨有聖人號曰文始天人神通智慧天眼第一為諸大眾演說元陽上品大乘經典我於爾時從善男子聞彼聖人

當為大眾開闡无上義味我聞是已其心歡喜欲設供養家貧無物乃欲自賣恐身無力復受不售俄頃之間路見有人而使語曰我欲賣身汝能買不其人答曰吾家作業無人堪者汝必能為吾當買汝吾即問言有何作業無人堪者其人答曰我有惡病良師處藥應當服人之肉日為二兩汝若能以身之肉日與一服我當酬汝金錢十文我時聞已心生歡喜我復語云汝惠我錢待我五日事訖了時便來相就其人答曰五日不可若如此者可期一日善男子吾於此時即取其錢來至天專之所恭敬作禮盡家所有將以奉獻然後至心聽讀是經我時頑瞶雖聞此經志願受持如是偈頌

天專說至要 號曰元陽經 度脫生死業
開發於幽冥 若有至心者 當得瑩心靈
必獲无上樂 徒步玄都庭 逍遙逐羽化
俯仰入雲扃 輪轉會虛寂 倏歛親真形
南丹上生宿 北斗除死星 知我感妙道
歷劫不沉馨

受持偈頌心得悟解即便還至病者之家善男子吾時雖復日與二兩之肉以念偈頌不為苦楚善男子以是因緣其病得差我亦平復身體皮肉悉皆具足無有瘡痍臭穢之處即發无上正真自然道心偈頌之力即有如是威力何況天專大聖演說元陽大乘經典具足受持至心讀誦我見是經有如是利益當應發心倍加念誦願於過去未來見在得於自然道果善男子以是因緣因緣令我今者於時眾中為諸弟子宣說元陽妙典善男子以是因緣是大元陽不可思議成就无量真善因緣乃是諸天聖人微密奧藏以是義故能受持讀誦者斷諸惡漏所謂惡者狂象惡馬麤牛惡狗山崖險谷毒蟲猛獸江水懸流不善之輩如是等惡若作漏因具人爾時即便去離若不能作則不遠離若增有漏則便離之若不增長則不遠離若與惡事則便去之若能作善則不遠離常以智慧而相護持作於善法離於惡事真人道士自觀其身是大苦眾是諸一切惡業根本是身雖復不

淨如是真人猶故觀察瞻視何以故非為貪
 身為善法故為元陽不為生死為真常之樂
 不為无常無我真淨為於有道不為無道為
 於一乘不為三乘善男子真人道士當護
 身何以故若不護身命則不全命若不全則
 不能讀誦書寫受持供養元陽上品大乘經
 義為人解析思惟其義是故真人道士應善
 護身以是義故真人得離一切惡漏善男子
 如欲濟水善護舟航船筏之具如臨路人善
 護騎乘如田夫布種善念冀獲真人道士亦
 復如是雖見是身无量不淨具足充滿為欲
 受持元陽經者莫令懈怠諸善事真人道
 士觀於狂象及不善者无有等異何以故俱
 壞身故真人道士於狂象邊心無恐怖於惡
 知識處生長忘心何以故如是狂象止能壞
 身不能壞心不善之者二俱能壞其狂象者
 唯壞一身不善之者壞无量善身无量善心
 是狂象者能壞不淨身不善之者能破淨身
 及以淨心是狂象能壞肉身不善之者破於
 法身狂象殺者不至三趣為不善之殺者必

至三趣如是狂象但為身怨不善之者為善
 法怨是故真人常當遠離諸不善友不善者
 等如是狂象不善者凡夫之人不能遠離是
 故生漏真人道士速能離之則不生漏真人
 道士尚無諸漏況於元始天尊具大威神而
 有漏乎以何因緣親近諸漏一切凡夫取受
 衣食卧具醫藥口味為身心樂求如是物造
 諸過患不知法味輪迴三趣是故為漏真人
 道士見如是過患則便遠離若須衣食即須
 取受不為身故但為於法不生微忽意常柔
 弱不為華麗但為羞恥雖受飲食意無貪著
 不為身故常為正法不為膚體但為眾生不
 為微忽為身力故不為逆害為治飢渴雖得
 上味心无貪著取受衣服亦復如是貪慢之
 結不令在心但為正法不為壽命為常命故
 善男子作是思惟我若不受如是供養身則
 磨滅不得堅固若不堅固則不忍苦若不忍
 苦則不能修行正道若能忍苦則能修行正
 道无量真善我若不能堪忍諸苦則於苦中
 生於瞋恚於樂受中生貪愛心若求樂不得

則生無明是故凡夫於供養中生於有漏真
 人道士深能觀察不生有漏是故真人名為
 無漏以何因緣天尊當名有漏是故聖人不
 名有漏善男子一切凡夫眾生雖名善護身
 心猶故生於惡想以是因緣雖斷煩惱得生
 非非想處終墮主人三塗地獄善男子猶如有人
 濟於巨海欲至彼岸垂沒而死凡愚之人亦
 復如是盡盡三有還墮地獄何以故無善智
 故何謂善智所謂六念處凡夫之人善心微
 劣不善猛感善心微劣智心輕少智心少故
 增長諸漏真人道士慧眼清淨見諸過患有
 種種事常與凡夫一切眾生作三乘怨以是
 因緣乃令凡夫不見法相恒沙劫來生顛倒
 想謂諸天聖人無真常樂唯有清淨天尊畢
 竟虛空一切凡夫眾生无常无樂无淨无我
 心生顛倒言有真樂真人道士應如是觀一
 切真人或時有因緣故應生驚覺猶如端正
 淨潔之人不受穢汚如執鐵丸人無受者善
 男子至心奉道亦復如是因緣真人道士思
 惟一切凡夫眾生知我是大福田我今云何

受此惡事若受惡法則不堪為一切凡夫衆生作於福田我自不言是良福田一切凡夫衆生見相便言我起如是惡想則為欺誑一切凡夫衆生我於法時以欺誑故恒河劫中沈浪生死墮於地獄我若惡心受人賤施一切聖人皆悉證明我若惡想受人賤施或令施主果報微薄或无果報我若是惡受人賤施則與施主是大怨讎一切凡夫恒於我所起善想念我今云何欺誑於彼而生惡想何以故或令施主不得福業或少果報我常自稱爲道士夫道士者不應起惡若起惡者則非道士道士之體身口相應若不相應則非道士我棄恩愛眷屬知識出家學道正念修集諸善想時非是修集不善想時猶如有人棄濟海求寶不取真珠直取金精亦如有人棄妙音聲而聽惡響如捨正室而愛婢妾如捨金器而取瓦盃如棄甘露法味而食惡毒食如捨善男子而親諸惡友如棄良醫而信巫鬼如捨元始天尊甘露法食而服魔怨種種惡味我今已值元陽清淨法寶難得見聞我

今已聞猶如盲龜值大罅本人命危脆猶如秋葉今日得度知明若爲我今云何縱恣六情作於惡法感年壯色俄頃斯須我今云何而生輕傲猶如惡魔伺人懲答四大惡鬼搖動身王亦復如是常來伺求我之過失云何當令惡想發起猶如朽屋乘至崩摧我今性命亦復如是我今云何起諸惡業我名道士之名之爲通知一切事我今乃起不善之業云何名爲道士我名出家出家之人名修善道我今作惡云何應得名爲出家我名真士真士之體名破煩惱我不破惡想煩惱云何當得名爲真士世有六根難可具足我今已具云何當令惡想居心何等爲六所謂六者一者大道難值二者正法難見三者善心難發四者中土難生五者人道難遇六者身根難備如是六根難可備足我今已備是故不應起於惡想真人爾時修行如是元陽經者常當觀察諸惡心時一切凡夫不見如是惡心過患故受諸漏真人見已不受不染是故真人無有受漏云何當言天尊有漏以是

因緣一切聖人非是有漏於是諸天真人神仙道士聞此事已歡喜作禮一時恭敬而說偈言

我等今大衆 得聞微密義 各悟苦空性
深解元陽智 自非至學士 何由辯真偽
削落諸煩惱 消滅於瞋恚 男子及凡夫
諸聽真善譬 洗濯身心病 穢惡及漏累
一切諸神仙 稽首讚斯瑞

太上靈寶元陽妙經卷之八